


聖王濟總錄

二十六

庫文閣内	
函架	漢
冊數	200 (31)
番號	漢 12609
函號	300 212



八十一

大德重校

傷寒

傷寒花亂

傷寒小便不通

傷寒大便不通

傷寒下利

大學東
校典藉
局之印

傷寒門

大德重校聖濟總錄卷第二十六

傷寒霍亂

傷寒小便不通

傷寒大便不通

傷寒下痢



大醫重訂經方卷二十六

傷寒論

傷寒心動不安

傷寒門



傷寒霍亂

論曰嘔吐而利病名霍亂此由邪氣在中焦使陰陽三
 氣不能升降則心腹鼓痛而作吐利也其候先心痛則
 先吐先腹痛則先利心腹俱痛則吐利並作古人以其
 病迅暴揮霍之間便致撩亂故謂之霍亂傷寒霍亂亦
 由中焦陰陽不和所致故其狀有熱而渴者有寒而不
 渴者有發熱惡寒汗出厥逆者有病勢已而身體疼痛
 不休者治之亦不可槩以一法

治傷寒後霍亂吐利寒多不喜飲水理中丸方

人參

乾薑炮

甘草炙

白朮各參兩

右四味搗羅為末鍊蜜丸如雞子黃大每服一九沸湯化破溫服日三夜二腹中未熱加至三四丸

治傷寒霍亂頭痛發熱多欲飲水五苓散方

豬苓去黑皮

白朮各參分

澤瀉

赤茯苓去黑皮

桂去麤皮半兩

右五味搗羅為散每服二錢匕溫水調下日再

治傷寒後霍亂心煩乾嘔蘆參湯方

蘆根兩

人參

麥門冬去心焙

赤茯苓去黑皮

枇杷葉拭去毛炙壹分

右五味麤搗篩每服五錢匕水一盞半薤白三寸煎至一盞去滓溫服日三

治傷寒後霍亂心膈不利朴薑湯方

厚朴去麤皮生薑汁炙

高良薑炒

陳橘皮去白炒

人參各參分

草豆蔻去皮半兩

右五味麤搗篩每服三錢匕水一盞生薑三片棗一枚擘破煎至七分去滓溫服日三

治傷寒後霍亂吐利不止喫食不消心腹脹悶人參湯

方

人參

厚朴去麤皮生薑汁炙

乾木瓜各壹兩

高良薑炒 木香 白茯苓去黑皮

芍藥 白豆蔻去皮 桂去皮

白朮 陳橘皮去白 各半兩

右一十一味麤搗篩每服三錢匕水一盞煎至七分

去滓溫服日三

治傷寒後霍亂轉筋嘔吐不止悶絕藿香湯方

藿香葉 當歸切焙 附子炮裂去皮臍

人參 桂去皮 木瓜各壹兩

右六味剉如麻豆每服三錢匕水一盞生薑三片煎

至七分去滓溫服不拘時

治傷寒後霍亂吐瀉不止及脚轉筋豆蔻湯方

肉豆蔻 人參 高良薑炒 枇杷葉拭去毛炙

厚朴去麤皮生薑汁炙剉 桂去皮 吳茱萸湯洗焙乾

右六味麤搗篩每服三錢匕水一盞棗一枚擘煎至

七分去滓溫服日三

治傷寒霍亂轉筋風寒客於胃府吐利不止心腹氣脹

不思飲食厚朴湯方

厚朴去麤皮生薑汁炙剉 乾木瓜各壹兩 高良薑炒

香薷葉 陳橘皮去白 紫蘇莖葉各半兩

右六味麤搗篩每服三錢匕水一盞入生薑三片鹽

少許煎至七分去滓溫服不拘時

治傷寒後霍亂吐利腹脹轉筋手足冷飲食不消吳茱萸湯方

吳茱萸

壹分湯洗焙乾炒

厚朴 去麤皮生薑汁炙剉壹兩

人參

分參

乾木瓜

藿香葉

甘草

炙剉

桂 去麤皮

丁香 炒各半兩

右八味麤搗篩每服三錢匕水一盞入生薑三片煎

至七分去滓溫服日三

治傷寒後霍亂吐利脚轉筋白朮湯方

白朮

陳橘皮 湯浸去白炒各壹兩

乾木瓜

貳兩

右三味麤搗篩每服三錢匕水一盞入生薑三片煎

至七分去滓溫服日再

治傷寒霍亂嘔吐不止手足厥逆薑附丸方

乾薑

炮半兩

附子

炮裂去皮臍貳兩

厚朴

去麤皮生薑汁炙剉壹兩

右三味搗羅為末醋煮麩糊丸如梧桐子大每服三

丸食前米飲下

治傷寒霍亂後身體疼痛不休桂枝湯方

桂 去麤皮

芍藥

甘草

炙剉半兩

右三味麤搗篩每服五錢匕水一盞半入生薑一棗

大拍碎棗二枚去核同煎至一盞去滓溫服不拘時以微汗為度未汗更服仍作生薑稀粥投之以助藥力

治傷寒霍亂吐利脉微欲絕或惡寒四肢厥逆小便復利或吐利已定汗出而厥四肢不解通脉四逆湯方

甘草炙貳兩

附子炮裂去皮臍貳枚 乾薑炮參兩

右三味剉如麻豆每服五錢匕水一盞半煎至八分去滓溫服脉出即愈面色赤者加葱白二莖同煎腹痛去葱白加芍藥二兩嘔加生薑一分切同煎咽痛去芍藥加桔梗并人參二兩以吐利止手足溫為度

傷寒小便不通

論曰傷寒小便不通者或因發汗過多津液虛少胃中乾燥或小腸有伏熱氣道不宣皆令小便不通也方論云胃中乾則無小便慎不可利蓋言汗後亡津液也若下焦有熱而小便不利又當隨證利之

治傷寒後下焦熱小便不通茯苓木通湯方

赤茯苓去黑皮

木通剉

車前子葉

滑石各貳兩

右四味麤擣篩每服五錢匕水一盞半煎至八分去滓空心溫服

治傷寒脉浮發熱渴欲飲水小便不利者猪苓湯方

猪苓去黑皮 赤茯苓去黑皮 澤瀉

滑石碎

右四味等分咬咀如麻豆大每服五錢匕水一盞半煎至八分去滓入阿膠末一錢匕溫服日三

治傷寒後小便赤澀瞿麥湯方

瞿麥壹兩用穗 甘草炙 冬葵子

滑石各貳兩 石葦去毛壹兩

右五味麤搗篩每服五錢匕水一盞半煎至八分去滓食前溫服

治傷寒發汗後小便不利微熱消渴者五苓散方

猪苓去黑皮 白朮 赤茯苓去黑皮各參分

桂去麤皮半兩 澤瀉壹兩壹分

右五味搗羅為散每服三錢匕熟水調下
治傷寒小便不通腹脹車前子湯方

車前子兩參

右一味麤搗篩每服五錢匕水一盞半煎至八分去滓溫服

治傷寒小腸有伏熱狀如熱淋礮痛滑石湯方

滑石碎 冬葵子 榆白皮剉

右三味等分麤擣篩每服四錢匕水一盞半煎至八分去滓食前溫服

治傷寒小便赤澀不通葵子湯方

冬葵子

滑石各貳兩

朴消

赤茯苓去黑皮

木通剉各壹兩

茅根剉

石葦去毛各壹兩半

右七味麤擣篩每服三錢匕水一盞煎至七分去滓食前溫服

治傷寒小腸不通便如血淋血餘散方

亂髮灰貳錢

大麻根切壹兩

右二味先將麻根以水一盞煎至半盞去滓下亂髮灰攪勻食前溫服

治傷寒小便赤澀似淋膀胱風熱桑白皮湯方

桑根白皮剉

冬葵子

滑石各壹兩

甘草炙剉半兩

朴消壹兩半

青橘皮去白切炒壹分

右六味麤擣篩每服五錢匕水一盞半葱白五寸切煎至八分去滓食前溫服

治傷寒小腹急痛小便不利雞蘇湯方

雞蘇壹握

木通剉

石葦去毛

冬葵子

杏人湯浸去皮尖雙炒滑石搗碎各壹兩

生乾地黄兩焙貳

右七味麤擣篩每服五錢匕水一盞半煎至八分去

滓食前溫服

治傷寒後小便不通臍腹痛氣脹攻上喘促枳殼湯方

枳殼去麩炒

滑石

大腹皮剉各半兩

甘草炙

青橘皮去白切炒

絡石根

紫蘇莖葉

朴消

麥門冬去心焙

冬葵子各參分

前胡去蘆頭

赤芍藥各壹兩

右一十二味麤擣篩每服三錢匕水一盞葱白三寸

切煎至六分去滓食前溫服

治傷寒熱盛小便不利滑石散方

滑石

貳錢搗羅為末

葶藶子

半合紙上炒

右二味先將葶藶用水一盞煎至半盞去滓下滑石

末調勻食前頓服

治傷寒壯熱肢節疼痛大小便澀芫胡散方

芫胡去苗

黃芩去黑心

栝樓根

山梔子人兩各壹

大黃剉醋炒

芒消各壹兩半

木香

白鮮皮各參分

茵陳蒿兩半

右九味搗羅為細散每服二錢匕食前新汲水調下

治傷寒小便出血竹筴湯方

青竹茹

木通

剉各壹兩

甘草

炙剉壹分

連翹

蘆根

剉

蒲黃

各半兩

右六味麤搗篩每服五錢匕水一盞半入燈心少許生薑一棗大拍碎煎至八分去滓食前溫服

治傷寒嘔而發熱胸脇滿心下怔忡小便不利小菟胡去黃芩加茯苓湯方

菟胡

去苗貳兩

赤茯苓

去黑皮壹兩

人參

甘草

炙各參分

半夏

陸錢湯洗柒徧

右五味咬咀如麻豆大每服五錢匕水一盞半生薑一棗大拍碎棗二枚擘破煎至八分去滓溫服日三

治傷寒熅熅發熱頭項強痛小便不利桂枝去桂加茯苓白朮湯方

芍藥

赤茯苓

去黑皮

白朮

各壹兩半

甘草

炙壹兩

右四味咬咀如麻豆大每服五錢匕水一盞半生薑一棗大拍碎棗二枚擘破煎至八分去滓溫服

治傷寒少陰證小便不利四逆加茯苓散方

甘草

炙

枳實

去瓤炒

菟胡

去苗

芍藥

各壹兩

赤茯苓

去黑皮半兩

右五味擣羅為細散每服二錢匕米飲調下日三

治傷寒時行少腹脹滿小便不通滑石湯方

滑石兩貳

葶藶子微炒

防已各壹兩

木香兩半

右四味麤搗篩每服三錢匕用水一盞煎至三分去

滓空心溫服日晚再服

治傷寒發汗後腹下氣滿小便不利茯苓湯方

赤茯苓去黑皮

桂去麤皮

甘草炙各壹兩

右三味咬咀如麻豆每服五錢匕水一盞半入大棗

二枚擘煎至八分去滓溫服日三

傷寒大便不通

論曰傷寒大便不通者胃府實也蓋因太陽病若發汗若下若利小便亡其津液胃中乾燥因轉屬陽明不更衣內實大便難此陽明證也當下之然有陽明證不可下者當問其小便日幾行若本小便日三四行今日再行故知大便不久出為小便數少津液當還胃中故知不久必大便也如此則傷寒嘔多雖有陽明證其不可下明矣大凡胃中有燥糞法當以湯水和之湯入腹中轉失氣者此所謂有結燥下之無害若不轉失氣者此但初鞭後必澹不可下下之則脹滿不能食也治陽明病潮熱若不大便六七日恐有燥屎欲知之法

少與小承氣湯湯入腹中轉失氣者此有燥屎也乃可
攻之若不轉失氣者此但初頭鞭後必溏不可攻攻之
必腹脹不能食也欲飲水者與水則噦其後發熱者必
大便鞭而少也以小承氣湯和之方

大黃酒洗肆兩

厚朴去麤皮炙貳兩

枳實參枚炒

右三味細判如麻豆大每服五錢匕水一盞半煎至
七分去滓溫服當更衣不爾者再服更衣者勿服服
後若不轉失氣者慎不可攻也

治傷寒不大便五六日繞臍痛煩燥發作有時此有燥
屎宜大承氣湯方

大黃酒洗肆兩

厚朴去麤皮炙半斤

枳實五枚炒

右三味細判如麻豆大每服五錢匕水一盞半煎至
八分去滓入芒消末一錢七再煎一兩沸溫服仲景
又云少陰病六七日不大便者宜大承氣湯

治傷寒五六日大便不通壯熱頭疼讖語腸中有結燥

厚朴湯方

厚朴

去麤皮薑汁炙壹兩

芫胡去苗

大黃剉炒各壹兩半

朴消貳兩

枳實

去瓢麤炒參分

右五味麤搗篩每服五錢匕水一盞半入生薑一棗
大拍碎煎至七分去滓空心溫服良久再服以通為

度未通再服

治傷寒大便不通嘔吐厚朴半夏湯方

厚朴

去麤皮生薑汁炙

半夏

湯洗各壹兩

枳殼

去瓢麩炒半兩

大黃

剉貳兩

右四味麤擣篩每服五錢七水一盞半生薑一棗大

拍碎煎至八分去滓空心溫服如人行五里再服

治傷寒五六日大便不通氣喘桑白皮湯方

桑根白皮

剉壹兩

大腹皮

剉半兩

枳實

去瓢麩炒

大黃

剉炒各貳兩

右四味麤擣篩每服三錢七水一盞入生薑一棗大

拍碎煎至六分去滓下朴消末半錢七空心溫服未通再服以通為度

治傷寒熱氣未解惡寒頭痛壯熱四日大便不通

胡黃芩湯方

胡黃芩

黃芩

去黑心

土瓜根

白鮮皮

各壹兩

木香

茵陳蒿

各壹兩

山梔子

人參分

大黃

細剉醋炒壹兩半

右八味麤擣篩每服三錢七水一盞煎至六分去滓下朴消末半錢七空心溫服如人行五里再服未通

以葱豉粥投之

治傷寒伏熱在腸胃大便不通檳榔散方

檳榔制貳兩 木香去麩 枳殼去麩

陳橘皮湯浸去白 白朮

大戟剉炒各半兩 杏仁湯浸去皮尖炒 乾薑炮各參分

右八味搗羅為細散每服一錢匕煎生薑湯調下不

拘時

治傷寒跌陽脉浮而濇浮則胃氣強濇則小便數浮濇

相搏則大便鞭其脾為約麻人丸方

麻子人升半 芍藥貳兩 厚朴貳寸半去麩皮薑汁炙透

枳實剉炒壹兩參分 杏仁去皮尖雙炒貳合半

散單大黃肆兩

右六味為細末鍊蜜丸如梧桐子大每服十丸以飲

下未知漸加以知為度日三

治傷寒大便不通郁李人散方

郁李人去皮尖雙炒研 桃人去皮尖雙炒研 大黃剉炒

檳榔剉各貳兩 芎藭壹兩半 木香半兩

右六味搗羅四味為細散入二味研者和勻每服三

錢匕食前溫湯調下以通為度

治傷寒後風氣壅滯胸膈聚痰大便不通牽牛丸方

牽牛子壹半生壹半炒貳兩 半夏湯洗柒遍炒乾

木通

剉各壹兩

桑根白皮

剉參分

青橘皮

去白剉炒半兩

右五味搗羅為末鍊蜜和搗三五百杵丸如梧桐子

大每服二十九空心生薑湯下臨臥再服

治傷寒大便五六日不通麻人湯方

麻子人

黃芩

去黑心

甘草

剉

梔子人

各半兩

大黃

剉炒兩

右五味麤搗篩每服五錢匕水一盞半煎至八分去

滓下朴消末半錢匕溫服如人行五里再服

治傷寒陽明證自汗若發汗小便自利者此為津液內

竭雖鞭不可攻之當須自欲大便宜蜜煎導方

蜜

肆兩

右一味內銅器中微火煎攪勿令焦稍凝如飴狀可

乘丸即捻如指許長二寸乘熱內下部中若土瓜根及

大豬膽汁皆可為導

治傷寒後大便秘澁服藥不通蜜膽導方

白蜜

合參

豬膽

壹枚

膩粉

半分

右三味先鍊蜜一二十沸次下豬膽汁慢火煎成膏

入膩粉相和為丸如棗核大以薄綿裹內下部中未

通再用

治傷寒後大便不通并喫轉瀉藥後腹脇轉脹不通利

方

鹽斤半

右一味熬令色變用醋漿水二斗煎五七沸下鹽攪
勻瀉入盆中看冷暖得所令病人盆中坐淋浴少腹
須臾便通

傷寒下痢

論曰傷寒下痢其種固多然皆由表實裏虛寒熱濕氣
乘虛客搏於腸胃之間腸胃隨其所傷而下若寒則青
白熱則黃赤若寒熱相雜則赤白俱下兼以濕毒則又
下膿血如魚腦如爛肉也其候不同有下痢而脉虛者

有下痢而脉實者有濕毒勝而腹痛者有熱氣盛而煩
渴者有津液搏滯而腸垢者有燥屎結聚而譫語者其
要固在審別虛實治之也

治傷寒下痢飲水者有熱也及熱痢重下白頭翁湯方

白頭翁半

黃蘗去麤皮

秦皮

黃連去須各參分

右四味咬咀如麻豆每服五錢匕水一盞半煎至八
分去滓溫服不拘時候

治傷寒少陰痢二三日至四五日腹痛小便不利下痢
不止便膿血桃花湯方

赤石脂 肆兩壹半全

糯米 貳合半

乾薑 壹分

右三味以水一升煎二味并石脂半全者候米熟去滓每服取汁一小盞入石脂末一錢匕更煎一沸溫服日三

治傷寒自利不渴者屬太陰藏寒故也四逆湯方

甘草 炙壹兩

乾薑 炮裂參分

附子 炮裂去皮臍半兩

右三味咬咀如麻豆每服五錢匕水一盞半煎至八分去滓溫服又治傷寒後下痢清穀不止身疼痛急當救裏者

治傷寒熱病不解下痢因篤大青湯方

大青

阿膠 剉炒燥各壹兩

赤石脂

山梔子人

甘草 炙剉各半兩

右五味麤搗篩每服五錢匕水一盞半入豉一百粒薤白五寸切同煎至八分去滓溫服不拘時候

治傷寒下痢不止腹中微痛秦皮湯方

秦皮 剉

黃連 去毛剉炒

阿膠 炒令燥各壹兩

白頭翁 參分

右四味麤搗篩每服三錢匕水一盞煎至七分去滓食前溫服

治傷寒後血痢腹痛不可忍芍藥湯方

芍藥

當歸切

黃芩去黑心

黃連

去須剉炒

伏龍肝

壹兩

右五味麤搗篩每服三錢七水一盞煎至六分去滓

食前溫服

治傷寒後膿血痢下部疼痛訶梨勒丸方

訶梨勒

炮去核

人參

各壹兩

白茯苓

去黑皮

當歸

切

木香

白芷

各參分

牡丹皮

兩半

右七味搗羅為末鍊蜜和搗五百下丸如梧桐子大

每服三十九食前米飲下日再

治傷寒後下痢赤白如爛肉壯熱大腸痛香豉湯方

豉

山梔子

烏梅肉

甘草

炙各壹分

薤白

伍莖

右五味剉如麻豆分二服每服水一盞半煎至八分

去滓食前溫服

治傷寒後挾熱腹痛下痢升麻黃連湯方

升麻

黃連

去須剉炒

當歸

切

芍藥

桂皮

黃蘗

去麤皮

甘草

炙各半兩

右七味剉如麻豆每服三錢七水一盞煎至七分去滓食前溫服

治傷寒後毒熱不解日晡即壯熱腹痛純下鮮血犀角湯方

犀角鎊 黃連去須剉炒 地榆

茜根 黃芩去黑心各壹兩 山梔子人兩

右六味剉如麻豆每服五錢七水一盞半入薤白五寸切同煎至八分去滓食前溫服

治傷寒後熱毒攻腸胃下痢赤白困絕龍骨湯方

龍骨 犀角鎊 當歸切焙

阿膠剉炒燥 黃連去須剉炒各壹兩 人參分

右六味咬咀如麻豆每服五錢七水一盞半煎至八分去滓食前溫服

治時氣熱毒下痢赤白及下部毒氣下細蟲如布絲長四五寸黑頭銳尾雄黃丸方

雄黃研壹分 丹砂研 乾薑炮

附子炮裂去皮臍各半兩 右四味搗研為末鍊蜜和搗五百下丸如菉豆大每服十九空心米飲下

治傷寒後下痢膿血黃蘗湯方

黃蘗去麤皮

阿膠剉炒燥各半兩

黃連去須剉炒壹兩

山梔子人壹分

右四味剉如麻豆每服三錢匕水一盞煎至六分去

滓食前溫服

治傷寒後熱痢黃連當歸丸方

黃連去須剉炒

當歸切焙各壹兩

乾薑炮

赤石脂各半兩

右四味搗羅為末鍊蜜和搗五百下丸如梧桐子八

每服三十丸食前米飲下

治傷寒後下痢赤白地榆飲方

地榆參兩

赤石脂壹兩

右二味麤搗篩每服三錢匕水一盞煎至七分去滓

食前溫服日再

治傷寒時氣後下痢不止當歸湯方

當歸切焙

黃連去須剉炒

黃蘗去麤皮

地骨皮各壹兩

右四味剉如麻豆每服三錢匕水一盞煎至七分去

滓下蜜一合攪勻食前溫服

治傷寒熱病後下痢膿血龍骨散方

龍骨

黃連去須剉炒等分

右二味搗羅為散每服二錢匕食前溫米飲調下日再

治傷寒後氣不和自利無度訶梨勒飲方

訶梨勒皮肆枚貳生貳煨 草豆蔻肆顆貳生貳煨去皮

右二味麤搗篩每服二錢匕漿水一盞煎至六分去滓空心溫服

治傷寒後藏府虛冷下痢白膿腹痛龍骨丸方

龍骨 乾薑炮 附子炮裂一分

右三味搗羅為末醋煮麪糊和丸如梧桐子大每服三十九食前米飲下日再

治傷寒後一切痢疾無問冷熱腹痛黃連丸方

黃連去須炒貳兩 木香 吳茱萸湯洗參編炒乾各壹兩

右三味搗羅為末麪糊和丸如梧桐子大每服二十丸空心食前米飲下

治傷寒後壯熱下痢不止牡蠣散方

牡蠣煨火 黃連去須炒各壹兩 烏梅肉焙參分

右四味搗羅為散每服二錢匕空心食前米飲調下治傷寒後下血及瘡子後下血干鍼散方

千鍼草

地榆

防風去

生乾地黄

焙

定粉

炒各半兩

蓬砂

錢貳

右六味搗研為散每服一錢七空心食前米飲調下

治大人小兒傷寒後餘毒有熱下血不止貫衆散方

貫衆

逐葉摘下令淨

黃蘗

去麤皮蜜炙等分

右二味搗羅為散每服一錢至二錢七煎黑豆汁放

溫調下

治傷寒汗後陽毒入胃下血頻併疼痛不可忍勝金散

方

鬱金

大者伍枚搗

牛黃

研皂子大

黃蘗式式

大右二味搗研為散每服一錢七醋漿水一盞同煎三

沸溫服

治傷寒後下血竹筴湯方

竹筴

芍藥

子芩

各半兩

木通

剉參分

升麻

黑木耳

燒灰各壹兩半

右六味麤搗篩每服三錢匕水一盞煎至六分去滓

入生地黃汁一合攪勻食前溫服

治傷寒後挾熱下血不止黃連散方

黃連

去須為末壹兩

右一味雞子白和餅燒黑再搗羅為末每服一錢七

溫酒調下不拘時候日再
治傷寒太陽與少陽合病自下痢者黃芩湯方

黃芩去黑心芍藥炙各半兩甘草炙各半兩

右三味咬咀如麻豆每服五錢匕水一盞半入大棗
二枚擘破同煎至八分去滓溫服

木通一分代赭一分

芍藥一分

大德重校聖濟總錄卷第二十六



大德重校聖濟總錄卷第二十六

續金匱要略卷之二十一

